


**BUKI DI LETRA  
DJAMARS 23 DIYANŪARI 2024**

**FESTIVAL DI  
TUMBA**



LETRA DJAMARS 23 DIYANÜARI, 2024



*Outor de Letra: Ike Jesurun*  
*Outor di Melodia: Ike Jesurun*  
*Areglista: Ike Jesurun*  
*Kantante: Roxenia "Roxy" Rozal*  
*Agrupashon: Quality Sound*

## Laga nos Ban Hasi Bon

**Koro:** Ban habri nos kurason  
Ban habri nos kurason  
Yen'e ku positivismo  
P'e bati bon

**Koro:** Ban habri nos kurason  
Ban habri nos kurason  
Yene ku positivismo  
Pe bati bon , bati bon

Kurason ta un so tin  
En por biba kunsumi  
Ni ku rabia, ni ku stress  
**Koro: Ni un bida ku renkor**

Si ba nua kun ruman  
Amigu of konosi  
Karnaval ta e momentu propio  
**Koro: Aii pa hasi bon**

Ki bonita ta pa duna otro un pordon  
I pone un strepi kuminsa di nobo awor  
Brasa i sunchii otro duna otro man  
**Koro: Ekos di mas bunita ta pa hasi bon**

Aii bini awe  
Bin bo tambe  
Awe nos tei gosa  
Manera hayela  
Amigunan  
Famianan  
Karnavalistanan

**Koro: Den mi brasa**  
**Koro: Den mi brasa**  
**Koro: Den mi brasa**  
**Koro: Den mi brasa**  
**Koro: Den mi brasa**  
**Koro: Den mi brasa**

Keremii kere Dios  
Awe awe awe t'e di'e hasi bon  
**bon**  
Awe ami kubo tei bira bon  
A yege ora pa rekonsilia  
I Pasun strepi laga turkos patras  
Awe Amor tei bolbe penetra  
Amor tei drenta tur kurason

**Koro: Awe nos tei hasi bon 3x**  
**Koro: Awe nos tei hasi**

**Koro: Awe nos tei bira bon**  
**Koro: Awe nos tei hasi bon**  
**Koro: Awe nos tei bira bon**  
**Koro: Awe nos tei hasi bon**

Gancha ki banda  
Gancha ya banda

***Koro: Awe nos tei brasa***

Gancha ki banda  
Gancha ya banda

***Koro: Awe Nos tei brasa***  
***Koro: Gancha bo ban***

*Ban mira*  
*Heeeee*  
*Awe ami kubo*  
*Nos a bira bon 2x*  
*Awe den karnaval ta dia di rekonsilia 2x*  
*Mita nabon brasa*  
*bota nami un sunchi 2x*  
*Huntu Brasa brasa*  
*Nos ta bai pariba*

**Koro:**        *Mi'n ta laga los*  
                  *Bo'n ta laga los*  
                  *Mi'n ta laga los*  
                  *Kos a drecha*

*Nos tei bula baila*  
*Pa nos selebra 2x*

*Awe kaya ta di nos nos tei baila tumba*  
*Tur kos negativo laga keda tras*

**Koro:**        *Mi'n ta laga los*  
                  *Bo'n ta laga los*  
                  *Mi'n ta laga los*  
                  *Kos a drecha*

*Basta pleitamentu*  
*Basta bringamentu*  
*Basti pulusha*  
*Paso Bida ta dushi*

*~Mambo~*

*Outor de Letra: Ike Jesurun / Sherwin Casper*  
*Outor di Melodia: Ike Jesurun / Sherwin Casper*  
*Areglista: Hershel Rosario / Egòn Pieter*  
*Kantante: Sheromé Pieter-Petronia*  
*Agrupashon: Quality Sound*

# Halámi Bo Bai ku Ne

Mi ta bai  
Meskos ku aña pasá  
Den mi heléngue  
Den mi ehéhe  
Mi ta bai awe  
Meskos ku aña pasá

**Koro: Den e rabu**

Abo si bo ke, bai baila n'e kabes  
Ami den kayente, ta den e rabu mi ke ta  
Eiden e kos ta sinta, eiden e kos ta sera  
Den e punta di e rabu....

**Koro: Den e rabu di karnaval**

**Koro: Einan e kos ta mara**

Nos fiesta kultural  
Esun mas popular  
Nos dushi karnaval  
Nos tur ta loko ku ne  
Ami ku mi kos Abo ku bo kos  
Mira nos ta hasi dushi....

**Koro: Halami bo bai ku ne 6X**

**Koro: Bula den e rabu**

Para ku bula for di nèshi promé  
Ta kuminda pa pushi  
E promé lo ta delaster  
I e ultimo promé  
Esun ku hari delaster....

**Koro: Lo hari mihó**

**Koro:**

**Lag'e rabu bai bati**

**Lag'e rabu bai bati**

**Lag'e rabu bai bati...vludub, vladab 2X**

**Koro:**

**Wes'i lomba want'awe den e rabu mi ta bai 3X**

Den e rabu tin 'legria, lokura i ambiente

**Koro: Wes'i lomba wanta'we den e rabu mi ta bai 2X**

Lagadishi, kachó tin rabu pero karnaval ta brabu

**Koro:**

**Yu'i Kòrsou ta gusta rabu, den Papáya i Kòmkòmber**

Pero bailadó di kaya ke karnaval su rabu

**Koro: Den e rabu (ripití te durante di pregón)**

Asina mi ta bai

Eiden mi ke gosa

Asina mi ta bai

Eiden mi ke baila

Hopi alegria

Hesta kolorído

Hopi sèksi

Hende di ambiente

Hala hala pega

Boso basha yega

Hala hala pega

Boso basha yega

Mi ta pa mi kuenta

Abo pa bo kuenta

Lokura di mi grupo

Awe nos t'ei baila

Awe nos t'ei djòdjò

Awe nos t'ei gosa

E ta move djaki  
E ta move djaya  
e ta move djaki

**Koro: Vludup..Vladap**

**Koro: Vludub, vladab, vludub, vludap, vludup, vladap, vludup, vladap**

Kompañami awe  
Pa nos subi kaya  
Abo ku bo kos  
Ami ku mi kos  
Nos ta bai p'ariba  
kima Momo numa  
Mi'n tin purá pa yega  
ora mi yega m'a yega

**Koro: Den e rabu**

Mir'e rabuuuu

**Koro: Vludub, vladab, vludub, vladab, vludub,vladab,vludub, vladab**

E rabu di ambiente  
Mira kon e ta move  
E rabu di ambiente  
Mira kon e ta baila

**Koro:**  
**Eiden mi ta hincha 2X**  
**Eiden mi ta gosa**  
**Eiden mi ta chòria**  
**Den e rabuuuu**

FIN



*Outor de Letra: Farley Lourens*  
*Outor di Melodia: Farley Lourens*  
*Areglista: Michelangelo "Amadú" Catal /*  
*Dennis Aalse*  
*Kantante: Elvisson "Sontje D" Doran*  
*Agrupashon: Energia*

# Sapaté na su Sapatu

Oloshi - koro: Ta Kana  
Pa kondishon - koro: Ta Kana  
Preparashon - koro: Ta Kana  
E tumba akí 2x (lead + koro)  
Kana e ta kana (lead singer)

Mi amigu bon  
Mi sa ku tempu  
Kasi n' ta duna

Pero nos tin e don  
I ami e konvikshon  
Ku si trah' den union  
Kos grandi ta pasa (lead + koro)

Ban habri mente  
Pa Tumba papia  
Keinta nos bena  
I alegrá kurason

Tumba t'e kompas  
Di nos fiesta di disfras  
Ku ta trese alegria  
Den tur barío i tur kas

Ya tur kos ta prepará  
 Pa nos meta realisá  
 Ban pone man na obra  
 Pa tur kos kana zetá  
 (Koro ta ripití e estrofa)

Oloshi - Koro: ta kana  
 Pa kondishon - Koro: ta kana  
 Preparashon - Koro: ta kana  
 E tumba akí (3x) - Kana e ta kana

Estribio

Ku sapaté na su sapatu - Kana e ta kana  
 Kada ken na su ofishi - Kana e ta kana  
 Tur nanishi den un direkshon - Kana e ta kana  
 Pa duna kontenido na vishon - Kana e ta kana

Pregon: Karg'i tur kunuku ta yena Punda  
 Si tur hende duna un man trabou ta kana!

At'e Marcha a ranka sali - Kana e ta kana  
 E ta yanga bai dilanti - Kana e ta kana  
 Rumbo Kaya Grandi - Kana e ta kana  
 Ora kos kue mi kurpa - Kana e ta kana  
 Kueru ta yora - Kana e ta kana  
 Heru ta yama - Kana e ta kana  
 Tumba a mara - Kana e ta kana  
 E kos ta tota - Kana e ta kana  
 Hala bin aden - Kana e ta kana ] 2 X  
 Gosa dje benben - Kana e ta kana ] 2 X

Kek:

Bula akí ..bula ayá  
 At'e fiesta a kuminsá  
 Bai na links .. bai na règts  
 Nos ta gusta Karnaval  
 Bai dilanti .. bin patras  
 Kòrda bon no hasi dimas  
 Ban kuid'é .. ban yay'é  
 Ta nos fiesta nashonal

E kos ta tota	- Kana e ta kana
Tumba a mara	- Kana e ta kana
Kueru ta yora	- Kana e ta kana
Heru ta yama	- Kana e ta kana
Hala bin aden	- Kana e ta kana ] 2 X
Gosa dje benben	- Kana e ta kana ] 2 X

Mambo

Karg'i tur kunuku ta yena Punda  
 Si tur hende duna un man trabou ta kana!

At'e Marcha a ranka sali	- Kana e ta kana
E ta yanga bai dilanti	- Kana e ta kana
Rumbo Kaya Grandi	- Kana e ta kana
Ora kos kue mi kurpa	- Kana e ta kana
Kueru ta yora	- Kana e ta kana
Heru ta yama	- Kana e ta kana
Tumba a mara	- Kana e ta kana
E kos ta tota	- Kana e ta kana
Hala bin aden	- Kana e ta kana ] 2 X
Gosa dje benben	- Kana e ta kana ] 2 X

KEK

*Outor de Letra: Germain “Saminero” Cristina /  
Marvin “Pikachú” Snijders*

*Outor di Melodia: Germain “Saminero”  
Cristina / Marvin “Pikachú” Snijders*

*Areglista: Michelangelo “Amadú” Catal*

*Kantante: Germain “Saminero” Cristina*

*Agrupashon: Energia*

# At'e ko ayó ayó

**Koro: Kon kon kon kontá kubo  
Kòrsou kontá kubo  
Kòrsou kontá k'e energia**

Kontá kontá k'e energia  
Ku bo energia , I bida  
Sea prepará pa konektá  
Ban Kòrsou kompletu aktivá  
Bo ta kla pa sende ruta  
Kla pa anima nos marcha  
E ta uniko na mundu  
Energia'ki ta puru. Ta di Dios e tá

**Koro: Kontá kontá**

**Koro: Eta eta eta**

Nos energia, ta ekselente  
Energia'i bida ta karga nos ku felisidat  
Kada yu'i Kòrsou na su manera  
Ta konekta i traspasá, akumulá  
E fuente bibu di union

Ora ku mi pueblo vibr'e energia  
Konektá kumi tumba rib'e ret di karnaval  
ku energia  
Konektá n'e fuente'i bida  
Kada un duna di nos parti,  
Bo n'ta sinti e positívismo

**Koro: Un tin awa pa laba  
Ta un tabla lo bula Baila  
Sint'e vibrashon**

**Den union ban konektá**

Ban konektá un na otro  
 At'e marcha ranka sali  
 Ku vibrashon di tumba

Palabra no mester ta hopi ,ora energia papia  
 wak ki'ta pasando , mira kon pueblo a bini huntu  
 Ora ku mi pueblo uni forsa

**E ta karga ku energia**  
**Energia papia pami**  
**At'e ko**

**Energia papia pami Shonan**

**Un tin awa pa laba,**  
**at'e ko ayó ayó**

***Koro: At'e ko ayó ayó 2x***

Mi tumba dalbu sinti e energia  
 Ambiente den kaya rònt Kòrsou ta festehá

***Koro: A'te ko ayó ayó***

Hende di tur bario i tur nashon ta konektá  
 Akumulashon di energia ta pone kos nan grandi pasa

***Koro: Ban konekta ku positívismo .***  
***Ku fe pa un miho mañan***  
***Anto ora energia uni , ta ayó ayó***

Kòrsou bo ta balente ban tira tur kos malu afó .  
 Ban konektá energia mira kon Kòrsou ta krese .  
 Anto mira'wo

***Koro : Ayó***

***Koro: Ayó ayó***

Ayó ayó .  
 At'e marcha ranka sali , union t'ei dòrna kaya .

***Mira kon nos tur a uni, traha nos bistí,***

Selebra ku euforia , ban marka historia .

***pa huntu nos bai marcha den unidat.***

Ayó ayó perseveransha lo vense .  
 Un pueblo balente ku energia kayente .  
 Foi Santa Maria mi ke blancha ku alegria .  
 Konektá ku bo bisiña i sinti energia , Kòrsou

***Koro: Tene man di bo ruman***

***Mi pueblo konekta pa nos ban***

Hisa bo kara na laira .  
E fuente di energia ta Señor .  
Kòrsou, ban konektá.

Ban kun'e, ban kun'e, ban kun'e     ***Koro: Ko -nek-tá 3x***

Hai awó .

***Koro: Ayó ayó .***

Union a brasa kaya .

Ta via di ariba mi a haña inspirashon , pa riba e tarima pidi bendishon .

Kòrsou Kòrsou , habri boso kurason .

Laga mi tumba penetra , den boso kurason

***Estribio***

Hisa bo kara na laira

***Koro: Tene man di bo ruman***

E Fuente di energia ta Señor

***Mi pueblo konekta pa nos ban***

E Fuente di amor si ta Señor .

Ban kun'e, ban kun'e, ban kun'e     ***Koro: Ko -nek -tá 3x***

Hai awo

***Koro: Ayó ayó 2 x***

**Final**

*Outor de Letra: Nissah Libiee*  
*Outor di Melodia: Nissah Libiee*  
*Areglista: Gileon Garmers*  
*Kantante: Albertico "Tico" Libiee*  
*Agrupashon: Highway Band*

# Pasarela Karnaval

AT'E PASARELA DI BIDA  
PASARELA DI GOSO  
PASARELA KARNAVAL  
AWE NOS T'EI MODELA

MIRA MI AKI  
DEN AMBIENTE  
AMI KU MI GRUPO  
RIB'E PASARELA

IMAGINA BO E RUTA PRINSIPAL  
KOMBERTÍ DEN UN PASARELA KARNAVAL  
UN ESPEKTAKULO TOTAL  
KU HOPI STREA NAN ARTÍSTIKO  
KAN KAN DI TALENTO NOS TA  
UN SHOW KOMPLETU NOS T'EI HARMA

KONFETI KU PLUMA KU TELA  
FANTASIA TA DOMINÁ  
UN TA IMPORTA KI RASA NI KOLO  
NO SINTIBU INTIMIDÁ  
UN ARTISTA BO TAMBE TA  
AWE NOS T'EI MODELÁ

MIRAMI AKI  
DEN AMBIENTE  
AMI KU MI GRUPO  
RIBE PASARELA

KORO: **RIB'E PASARELA**

KORO: **TA MODELA**

KORO **HOPI KOS LO BAI PASA EI DEN**

KORO **TA E PROTAGONISTA I FASHONISTA**

KORO: **K'UN PUEBLO PA ANIMA**

KORO: **DEN KAYA**

KORO: **KU HOPI AMOR**

KORO: **TA MODELA**

**PREGON:**

KAN KAN KAN KU ALEGRIA NOS T'EI PAS'E  
VISE VËRSA KU CRAZY DIAMONDS  
RIB'É PASASHI PA OTROBANDA  
VIVA KU ESTRENO KU HOTD TAMBE DEN GOSO  
MODELA MODEL MODELA MANERA UN BON YU'I TERA  
MODELA MODELA MODELA SINTI BU UN GRAN ARTISTA

MIRAMI AKI  
AY DEN AMBIENTE  
AMI KU MI GRUPO  
RIB'E PASARELA  
AY MIRA MI AKI

**KORO: TA MODELA**

EHEEEEE  
OHOOOOO  
EHEEEEE  
RIB'É PASARELA  
FO'I SU PUNTA  
RIB'É PASARELA

NOS T'EI KANA HUNTU  
SINTI BU NA PARIS DEN KAYA DI NOS PAIS  
ORA PIKETE TA MODELA  
DUSHI AVENTURA TA MODELA  
MIRA MI REINA TA MODELA  
ANTO MI PUEBLO TA ANIMA  
SINTI BU LIBER LIBER PA MODELA  
SINTI BU LIBER PA BO MODELA

RIBA HILCHI BO TA  
KU BO KUP DEN BO MAN  
KU BO TRAHE DORNÁ  
AWEL BAN PA NOS BAN

**KORO: AHA AHA**

RIB'É PASARELA NOS T'EI TOPA  
RIB'É PASARELA NOS TEY GOSA  
N' TIN KUENT'I NADA NOS T'EI BAILA  
LAGA NOS BAN HUNTU KO' T'EI PASA

**KORO: EHE EHE**



**KICK**

“SHOWTIME” PA BO

KORO: **RIBA DJE**

BIRA'KI BIRA'YA  
WAK AKI WAK AYA  
BÈK UN TIKI  
KUE BO “POSE”  
“SHOWTIME” PA BO

RIB'E PASARELA  
NOS T'EI SELEBRA  
UN GRUPO PARÁ NA BANDA  
RIBA MODEL TA BAILA MI TUMBA (*OLA GRUPO*)  
HE HASI BO KOS  
BUTA BO SHOW  
RIB'E PASARELA  
TE FINAL

KORO: **MODELA BO BAI**

*Outor de Letra: Marvin 'Pikachú' Snijders /  
Ingemar 'Appel' Pietersz  
Outor di Melodia: Marvin 'Pikachú' Snijders /  
Ingemar 'Appel' Pietersz  
Areglista: Derrel "Titi" de Palm  
Kantante: Cristeline 'Cristy' Corasol  
Agrupashon: Highway Band*

# E zut dje ko'

Unda ku bo bira.

Mir'é di stroi den kaya.

Kòrsou bo si ta dushi.

**Koro: Zut zut man'e mi ke.  
Suku.**

Sinti e sabor di mi tumba  
Hala mara man'e kakiña.  
Kada un pipita ta konta.

**Koro: Ban pa mundu kompletu sabori'é.**

Suku suku suku.  
Asina mi ta yamabu dushi.  
Man'e vruminga nos ta loko ku bo.

Ta un delisia saká fo'i kaña i remolachá.

**Koro: Man'e kristalnan di ambiente.**

Ta fiestiehá den tur reseta.

Kòrsou su karnaval ta semegante na suku.  
Kada Yu'i Kòrsou.

**Koro: Ta karg'e sabor ku orguyo.**

No ta importá unda pone nos.

**Koro: Awó!!!**

Nos sabor ta hasi'e mihó.  
Suku blanku òf suku marón.  
Sa ku bo ta un kampion.

**Koro: Suku.**

**Koro: Suku.**

**Koro: Hopi suku.**

**Koro: Suku Suku Suku.**

**Koro: Klenk'i suku ta Karnaval.  
 Suku pipitá, t'e karnavalista.**

P'esei, hala bola bo.

**Koro: bin }5X  
 mustra kon dushi bo ta }2X**

Unda ku bo bira.

**Koro: Suku.**

Mir'e di stroi den kaya.

**Koro: Suku.**

Karnaval bo si ta dushi.

**Koro: Hopi suku.**

Sinti e sabor di mi tumba  
 Hala mara man'e kakiña.  
 Kada un pipita ta konta.

**Koro: Zut zut man'e mi ke.  
 Suku.**

Ay, tin un dicho ta bisa:

**Koro: Ban pa mundu kompletu sabori'é.**

Pero ta ken ta kita marga.  
 Nunka salta fiesta.

**Koro: Ku suku no sa gaba su mes.**

**Koro: Suku.  
 Koro: Suku, suku.**

Or'e ko' ta bon, ta bon e ta!

**Koro: Awe suku te'i gaba su mes.**

**(koro estribiyo)**

Hé tur chansa un banda. Awó ta or'i broma.  
 Man'e vruminga ta karga suku nos ta karga Karnaval.  
 Kòrsou di punta punta, ta sali aportá.

**Koro: Awe suku te'i gaba su mes.**

Tamarein ta pidi suku, anto bo tinku dun'é.  
 Hé, zut, zut, zut, pa bo gosa.  
 Hé, zut, zut, zut, pa bo baila.

**Koro: Awe suku te'i.  
 Koro: Awe suku te'i.**

**Koro: Awe suku te'i gaba su mes.**

Pará dilanti spil, ai kon bo ta sinti bo?  
 Chabelita stop di yora, paso mi ta duna b'e.

**Koro: "Dushi"  
 Koro: "Dushi Dushi".**



At'e marcha sali.  
Pueblo prepará bo.  
Ta bo or'i broma.

Fo'i Santa Maria.  
Gruponan ta bria.  
Karnavalista.  
Broma pa mi mira.  
Man'e vruminga.  
Marcha un tras di otro.  
Esta un alegria.  
Eksposishon di fantasia.  
Or'e ambiente keinta.  
Nos ta rèk man'e kakiña.  
Drenta Marchena, St. Helena.  
Hinter añ' a warda.  
Awe suku tei gaba.  
Henter añ' a warda.  
Awe suku t'ei gaba.

Mi t'ei bati pechu i bisa.  
Ora ko' ta bon, ta bon e ta!

Sende sende den Roodeweg.  
Festival di tumba.  
Gruponan ta lusi.  
Arte i fantasia.  
Esta un beyesa.

Festival di tumba.  
Mira bo baila ei.  
Dushi b'a keda.  
Broma ku bo ko'.

**Koro: Lagami wak bo.**  
**Koro: Lagami wak bo.**  
**Koro: Lagami wak bo.**  
**Koro: Lagami wak bo.**

**Koro: Zut e ta pasa bai.**  
**Koro: Zut e ta pasa.**  
**Koro: Zut e ta pasa bai.**  
**Koro: Zut e ta pasa.**  
**Koro: Zut e ta pasa bai.**  
**Koro: Zut e ta pasa.**  
**Koro: Zut e ta pasa bai.**  
**Koro: Zut e ta pasa.**  
**Koro: Zut e ta pasa bai.**  
**Koro: Zut e ta pasa.**  
**Koro: Zut e ta pasa bai.**  
**Koro: Zut e ta pasa.**  
**Koro: Zut e ta pasa bai.**  
**Koro: Zut e ta pasa.**  
**Koro: Zut e ta pasa bai.**  
**Koro: Zut e ta pasa.**  
**Koro: Zut e ta pasa.**

**Koro: Awe suku t'ei gaba su mes.**

**Koro: Zut, zut.**  
**Koro: Zut, zut.**  
**Koro: Zut, zut.**  
**Koro: Hei !!!**

**Koro: Loko loko.**  
**Koro: Loko loko.**  
**Koro: Loko loko.**



Esaki ta bo ora.  
Esaki te momentu  
"Shine" pa mi mira.  
Broma sin berguensa.  
Karnaval ta di bo.  
Kòrsou bo ta di fiesta.  
Est'un eforia.

Mi t'ei bati pechu i bisa:  
mes.  
Ora ko' ta bon, ta bon e ta!

Koro: Zut e ta pasa bai.

Koro: Zut e ta pasa.

Koro: Zut e ta pasa bai.

Koro: Zut e ta pasa.

Koro: Zut e ta pasa bai.

Koro: Zut e ta pasa.

Koro: Zut e ta pasa bai.

Koro: Zut e ta pasa.

Koro: Awe suku t'ei gaba su

*Outor de Letra: Roald Balentien*  
*Outor di Melodia: Roald Balentien*  
*Areglista: Axel Pikero*  
*Kantante: Roald 'El guapísimo Roel'*  
*Balentien*  
*Agrupashon: Highway Band*

# Aden ta konta

**Mi kurpa ta pidi, e ta pidi ta temporad'i karnaval**

***Koro: Mi kurpa ta shikitá, den e ambiente mi ke ta***

**Abo ku sa sa sa, sa ki e ambiente aki ta 'na**

***Koro: Si ainda abo n' sa, drenta den e ambiente i bo ta sa***

**Bo ta invitá**

***Koro: Pa bo sa (4\*)***

**Ta kiko tin nos tur loko**

**Kon nos ta selebra nos dushi karnaval**

**Fo'i preparashon na sede te djamars anochi**

***Den kaya***

**Hopi ta biba p'é, hopi loko kun'é**

**Ta nos fiesta ku nos tur ta stima**

**Di generashon pa generashon, digno di nos admirashon**

**I e ta jena nos ku momentu nan inolvidabel pa bida**

**Abo ku ainda n' sa, bo ta invitá pa bin selebra nos kultura**

***Koro: Bo no por keda afó***

**Mi kurpa ta pidi, e ta pidi ta temporad'i karnaval**

***Koro: Mi kurpa ta shikitá, den e ambiente mi ke ta***

**Abo ku sa sa sa, sa ki e ambiente aki ta 'na**

***Koro: Si ainda abo n' sa, sa ku ta aden bo mester ta***



**ESTRIBILLO:**

***Abo ku sa sa sa, sa ku ta aden bo mester ta***

**Manera dos be' dos ta kuater, ora ku bo purba, mi sa bo t'ei gusta  
Bin biba e eksperensia anto lòs laga bai, lòs laga bai**

**Yega pa bo sinti e kayente**

***Koro: Aden bo mester ta***

**Bo n' ta skapa dje dushi ambiente**

**Bo por hasta baila malu pasa bon, basta bo no keda afó**

**Yudami k'e koro,**

***Koro: Aden ta konta***

**Den bok'i pueblo nos ta bisa, *PAFÓ TA PROPAGANDA!!!!***

**Yega bo bin baila**

**Yega bo bin gosa**

**Los laga bai**

**Un biaha bo ta biba**

**Bin sinti pa bo mes**

**Ta kon ta biba karnaval**

**Bo n' keda afo**

**Paso ta aden tin ko'**

**Bin gosa di nos kultura**

**Su ambiente i su dulsura**

**Lo bo sinti un dushi**

**Lo bo pasa bon**

**Baila malu pèrdè kompas**

**Bin disfruta, no keda kas**

**Los laga bai**

**Sea den jump up, jump in, den marcha òf kualke fiest'i kas**

**Na tur aktividat ku tin ambient'i karnaval**

***Ata energia pa'bo, bai gosa di bo***

***Tuma!***

***Ata ambiente pa'bo, pa bo sinti e dushi ambiente***

***Tuma!***

***Ata dushi tumba pa'bo, pa bo biba nos kultura***

***Tuma!***

***Ata kultura pa'bo, den bo sanger e ta sinta***

***Tuma!***



*Outor de Letra: Milangelo "Oko" Dap*  
*Outor di Melodia: Milangelo "Oko" Dap*  
*Areglista: Ravello Antoin*  
*Kantante: Henry-Anthony "Hnry B"*  
*Bernadina*  
*Agrupashon: Dolce Band*

# E Fiesta di Tertulia

Nada nada, nada no ta pasa pòrnada...2x

Si nos a nanse mes Pais  
 Kargando e mes Kultura  
 Ke mes karakter, ideologia

**Koro:** Tin un motibu, ku ta asina ta  
 Tin un motibu, ku ta asina ta  
 Paso tin un motibu, Paso tin un dikon,  
 Ta paso tin un pasobra ku ta asina ta

Esaki t'un prueba kontundente  
 Ku awe nos ta biba eksperensia  
 Ora karnaval ta uni Pais  
 Usando forsa di su kultura  
 Pa kita indiferensia

**Koro:** Djis pa remarká, un ehèmpel pa menshoná

**Koro:** Ku entre nos un dia a eksistí

Nada nada, nada no ta pasa pòrnada...2x

Karnaval ku un otro desafio  
 Trahando un fórmula di sous  
 Ku ta forma i uni nos ku otro  
 Den un solo meta i vishon  
 Karakter un ingrediente di e sous  
 Ku kada hende ta poseé  
 Karnaval a meskla tur den otro  
 Pa krea un sabor komun

Ta hopi alegria  
 Ambiente groovy  
 Arte fantasia  
 Sabor di tumba

**Koro:** A buta 'den  
 A tira 'den  
 A buta 'den  
 A tira 'den

Karnaval a purb'é  
 Bolbe purb'é  
 Ora e la pensa i realisá

**Koro:** E ta falta kos  
 E falta un waw  
 Ta bo so falta den e sous

**Koro:** Ta bo so falta den e sous... 2x

**Preg:** Ku bo den mi fantasia m'a trah'é  
 Tumba t'e Ingrediente kua uzá pa mar'é  
 Kreando e formulá pa trese hende huntu  
 E reseta special trahá ku yu di tera

**Koro:** Ta bo so falta den e sous  
 Ta bo so falta den e sous  
 Ta bo so falta den e sous  
 Ta bo so falta den e sous

**Preg:** Lag'é tota gota pa gota  
 Saka koló pa mundu wak  
 Awó ku'é sous ta kla  
 Ta pone bo kurpa pidi

**Koro:** Lag'é tota gota pa gota  
 Saka koló pa mundu wak  
 Awó ku'é sous ta kla  
 Ta pone bo kurpa pidi

**Muzik huntu ta akoplá, p'e saka un bon sabor, si nos meskla tur karakter, bo ta sinti e sabor di union**

**Preg:** Den e sous  
 Pa un bon balansa  
 Sin importá ta ken e ta  
 Pa e sabor komun

**Koro:** Hink'é  
 But'é  
 Hink'é  
 But'é

**Preg:** Ta bo so falta awor  
 Pe ko bai mara  
 E reseta pekuliar  
 Ku karakter eksklusivo  
 Ta abo mi mester  
 Pa kompletá e kos  
 Ingrediente esensial  
 Bin pa keda kla

**Koro:** Ban den sous  
 Den e sous  
 Ban den sous  
 Den e sous  
 Ban den sous  
 Den e sous  
 Ban den sous  
 Den e sous  
 Ban den sous  
 Den e sous

**Preg:** E aspekto prinsipal  
 Di mi fantasia  
 Esta dushi e kò'ki ta  
 Un pueblo den union

**Kick:** Sigun mi drai sous, bir'é, moldi'é, ki bo ta hasi  
 Sigun meskla nan, brua nan, kiko bo ta hasi  
 Hal'é hal'é hal'é p'e mara 2X  
 Draí e bai bòm di wea 2X  
 Hal'é 5X

**Preg:** P'esei den nos sous  
Pa nos disfrutá  
Ban krea e aroma  
Di pas i union  
Ta abo mi mester  
Pa kompletá e kos  
Kòrsou su karnaval  
E fiesta di tertulia

**Koro:** Ban den sous  
Den e sous  
Ban den sous  
Den e sous  
Ban den sous  
Den e sous  
Ban den sous

# Palu

*Outor de Letra: Hendrik De Windt  
Outor di Melodia: Hendrik De Windt  
Areglista: Angelo “Borrel” Dopwell  
Kantante: Ravid Wijngaarde  
Agrupashon: Daiquiri Band*

Palu Palu  
Palu palu  
Palu palu  
Si no ta pa palu lo no tin karnaval  
ta masha sort'i palu tin  
tin palu ku Kòrsou so tin  
ban duna balor na palu

Kustumber a buta ku nos a ignorá  
un simpel pida palu su balor agregá  
t'e palu nos ta usa pa nos por krea  
anto p'e haña forsa t'e palu bo mester

Palu Palu  
Palu palu  
Palu palu  
Si no ta pa palu lo no tin karnaval  
ta masha sort'i palu tin  
tin palu ku Kòrsou so tin  
ban duna balor na palu

Den naturalesa tur kaminda bo ta hañé  
Pa haña fresku nos ta sinta bo'i dje,  
Si bo rudia ta poko krekeché  
ta palu bo mester pa bo lèn riba dje.

T'e bo ta klaba, t'e bo ta zag Pa tra' karosa, stelashi i hopi mas. E  
palabra palu por hasi muchu mas. Asta ta usa palu den nos papiá

**Estribillo:** Es ku para bou di bon palu, bon sombra lo tapé.

Bo wak ku ken e ta kana, bo ta sa ta ken e ta. Ora un palu bira grandi,  
bo no por nèt e mas.



Yuana ta sinta  
Bo ta tapa solo  
Mango ta krese  
No trompeka

den palu  
bo'i palu  
na palu  
rib'e palu

Kibra hacha  
Pal'i mahok  
Divi Divi  
Pal'i mangel  
Dos pa kuater  
Pa tra' karosa  
Wayaka  
Pa bo dòrna

ei ta palu

Anto pal'i koko  
Pa nos tapa solo  
Pal'i kenepa  
Pa bo freska  
i bamboo  
Pa protega'bu  
Pal'i Kòrsou  
Pa karnaval

Wak bo'n kai  
Unda e ta  
No trompeka  
Na unda

rib'e palu  
eibou  
rib'e palu  
eibou

Kibra hacha  
Pal'i Mahòk  
Divi Divi  
Pal'i Mangel

ei ta palu



Pal'i Kalbás  
Bamboo  
Palu friew  
Nos Kòrsou

Hisa man si bo ta  
tambe tur  
hende sinta  
tur esnan ku ta

pal'i homber  
pal'i muhe  
bou palu  
taha palu

**Mambo:**

*Outor de Letra: Edmond Salesia  
Outor di Melodia: Edmond Salesia  
Areglista: Hubert “Bert” Sambo  
Kantante: Edmond “Devonzhen”  
Salesia  
Agrupashon: Rouleta*

# Sombra

Pueblo di Kòrsou  
Karnavalista nan  
Ban dedika nos tempu  
Na e sombra ku nos tin  
Sombra ta un figura  
Ku ta wordu Reflecta  
Dor di lus di solo  
Ku ta bria riba nos  
Handa ku selensio i stima un klaridad  
Kaba bira join e sombra nan sombra Ora lus di solo bria riba nos  
Bo ta ripara ta na ken nos ta mara  
Palabra di un profesor nanse riba korsou Danki na e solo ku nos  
sombra ta aki bou Skucha palabra nan di un profesor ju korsou  
Karnaval su sombra nan ta semper a kompanja  
Mahinta merdia atardi anochi  
Tambe marduga

**Koro:**

Komo hurador ma priminti  
Na e kompanjero di mi bida  
Anja riba un dia ami aki lo boga pe  
Hinter e ruta di karnaval  
Dòrna ku sombra nan  
Di tur forma  
Boso nan por warda mi  
Riba esun di mi ku ta bin

**Koro:**

Ta tur sombra tin mesun kolor  
I ta kada unu tin su destino  
Tur sombra ta presenta su mes Manera su figura ta.  
1.E Ruta di karnaval

<<Koro>>

- Ta kumi popchi mes mi ta bai.
2. Manera ma sali kas ja mi sombra ta riba kaja.
  3. wake riba muraja anto wak mi boso dilanti.
  4. Tata mi ta pidi bu pa bo manda bendision.
  5. laga mi sombra hala rosea  
Please duna mi sombra bida
  6. Sombra ma priminti bu ku nos ta bai kima momo.
  7. Tempu mi ta chikitu sombra mi por a hunga.
  8. Sombra mi ta stima bo, ta bo ta mi amigu
  9. Pueblo mi ta pidi bo pa bo aktiva bo sombra
  10. Un man i mucha chikitu korda semper ta jena un bes
  11. Ami semper a stima mi pueblo  
Ami Semper a stima korsou
  12. Esaki ta nos konopi na sombra bo ta mara
  13. Tende mi pueblo grita ta nos sombra nos ta mara.
  14. Sombra sombra sombra sombra
  15. Mara nos ta na nos sombra

Na karnaval  
Na konopi  
"  
Duru mes.



Mira no ko ta sombra  
Mira no ko ta Sombra  
Boshi hende riba otro  
Anto no ko ta sombra bunita  
Mi wowo nan a mire  
Mi boka kante  
Orea nan tende mi

Lage kos kore rond  
Mahinta ma mira un sombra  
Saka su lenga pami  
Atardi ma bolbe sinti  
Kon ela tik mi hala tras  
Awor aki ku ma jega  
Mi sombra ta hunta kumi  
Pa asina nos por mustra bo  
Kon e show a kuminsa  
Sombra ta sombra ta nos kompanjo Di mas grandi ku nos tin  
Por dios mi ta orgujoso Di tin amigo manera bo  
Pretu manera un Diamante  
Ki bunita bo ta  
Ta bo te uniko ku semper bai tur karnaval Coro <  
Awe nos tin sobra serka nos »  
Ban dune respet i su balor  
Yu korsou ta duna su karinjo  
E ta saluda bu i desea bo un bon siman.  
Mira un sombra aki banda mira un sombra aja banda  
Ata un mas aki banda otro mas aja banda.

*Outor de Letra: Gilbert "Gibi" Doran*  
*Outor di Melodia: Gilbert "Gibi" Doran*  
*Areglista: Randal Corsen*  
*Kantante: Danny Yanga*  
*Agrupashon: ONE Flavaz*

# Mi Disertashon' 24

Lage lage soso

Akshon bal mas ku palabra  
 Awo awo niun ora mas  
 Komprenshon sigur nos ta logr'é  
 Buta pia bou p'e sosodé

Habri mainta ku kanto di para  
 Nos ta boga amor I alegria  
 Djis pega'l tambe un bon bisiña  
 Nos ta boga pa norma I balor  
 Mester reskaté, ai si nos por

Un melodia yen harmonia  
 Den kas di kada famia  
 Trata tur ku mes un simpatia

Si, trabou duru nunca un mata  
 Ta ora di ehersé  
 Manera union den  
 Karnaval awoo

Mara amor I sabudiria ban pé lag'e sosodé

Mara amor I sabudiria ban pe lag'e sosodé

Lage, lage soso

Akshon bal mas ku palabra  
 Awo awo niun ora mas  
 Komprenshon sigur nos ta logr'é  
 Buta pia bou p'e sosodé

Esei nos ke pa sosodé

Biba den presente i disfruta di dje  
 Ora duna nos lo ta briante  
 Si bo a faja djis bisa despensa  
 Pone bo pensamentu den akshon

Si bo ta positivo ta yuda tur dia pa tin harmonia                      Ban ban p'e  
Sinta huntu ban papia nos tur mes un lenga sin niun violensha  
Si nos mar'e kabes e ta bira di mes ai ki alegria  
Nos ta bula I baila I bebe I trese Kòrsou riba pia

Menos papia akshon ta konta man na obra Lage soso  
No mas boroto hinke den koto ban pe goso

Ban lage soso  
Pone pia fuerte abou awo  
Sin bira wak patras  
Yuda bo ruman  
Si dune un pida pan  
Tende melodia  
Ai ki harmonia  
Si tin kompreshon  
Kòrsou lo ta bon  
Kòrda si bo duna  
Lo bo haña bek  
Ehe ehe  
Oho oho

Lage sosode

### **Kek**

Positivo ta, positivo ta ban p'é

Ey ban p'é  
Si ban p'é  
Ay Ban p'é  
Stima bo pais  
Stima bo bandera  
Papia bon di otro  
Señal di amor

### **Mambo**

*Outor de Letra: Gilbert "Gibi" Doran  
Outor di Melodia: Gilbert "Gibi" Doran  
Areglista: Randal Corsen  
Kantante: Leandry "Lèlè" Gonzalez  
Agrupashon: ONE Flavaz*

# Palomba, plam'e

Palomba  
Blanku blanku  
Plama pas total  
Kuku ruku  
Ku tur mi alegria  
ma sinta pensa un fantasia

Pa un i tur i mas  
yega sinti nan na kas  
Si, ma krea un grupo formal  
ku ingradientenan total

kargá ku yen ambiente  
i un trato ekselente  
Un grupo pa krea pas  
sin ku nada ta di mas

Bistí tur na palomba,  
kubrí dilanti, kubrí bo lomba  
Mitiga tur diskushon  
Pa tur problema un solushon

Esei ta e mensahe p'é palomba plama den kaya

**Kuku ruku  
Kuku ruku  
Kuku ruku**

Palomba  
 Blanku blanku  
 Plama pas total

**Kuku ruku**  
**Kuku ruku**  
**Kuku ruku**  
**Kuku ruku**

Fo'i kas te karnaval

Bai den kaya plama pas  
 Esei ta e meta di nos grupo

**Palomba plama pas pa mi (2X)**  
**Palomba plama pas pa mi**  
**Palomba plama pas pa mi**

Palomba blanku modelando

**Palomba plama pas pa mi**

Plamé plamé plamé den kaya

**Palomba plama pas pa mi**

Sta Maria, Paradijs, Palu Blanku

**Bai plamé pa mi**

Marchena City, Sta Helena, Mundu Nobo

**Bai plamé pa mi**

Rònt Kòrsou

**Plamé pa mi**

Te pabou

**Plamé pa mi**

Nos ta plama pas

**Plamé pa mi**

Den tur kas

**Plamé pa mi**

Unda bo bira

**Plamé pa mi**

Unda bo bai

**Plamé pa mi**

No tin pleitamentu mas

**Plamé pa mi**

Violensia mas

**Plamé pa mi**

Solamente alegria

**Plamé pa mi**

Si tur dia

**Plamé pa mi**

Henter e grupo

**Plamé pa mi**

Ban kanta ku mi

**Batata kuru (2X)**  
**Batata kuru kuru kuru**

**Batata kuru (2X)**  
**Batata kuru kuru kuru**



Henter e grupo  
Ban bati hala

**Plamé pa mi  
Plamé pa mi**

**Ariba abou (5X) ARIBA!**

Rònt Kòrsou  
Te pabou  
Unda bo bira  
Unda bo bai

**Plamé pa mi  
Plamé pa mi  
Plamé pa mi**

Bai den kaya plama pas  
Esei ta e meta di nos grupo  
Palomba blanku modelando  
Plamé plamé plamé den kaya  
Sta Maria, Paradijs, Palu Blanku  
Marchena City, Sta Helena, Mundu Nobo

**Palomba plama pas pa mi  
Palomba plama pas pa mi  
Palomba plama pas pa mi  
Palomba plama pas pa mi  
Bai plamé pa mi  
Bai plamé pa mi**

Rònt Kòrsou  
Te pabou  
Nos ta plama pas  
Den tur kas  
Unda bo bira  
Unda bo bai  
No tin pleitamentu mas  
Violensia mas  
Solamente alegria  
Si tur dia  
Henter e grupo  
Ban kanta ku mi

**Plamé pa mi  
Plamé pa mi  
Plamé pa mi  
Plamé pa mi  
Plamé pa mi  
Plamé pa mi  
Plamé pa mi  
Plamé pa mi  
Plamé pa mi  
Plamé pa mi  
Plamé pa mi**

**Batata kuru (2X)  
Batata kuru kuru kuru**

**Batata kuru (2X)**  
**Batata kuru kuru kuru**

**Ariba abou (5X) ARIBA!**

Rònt Kòrsou  
Te pabou  
Unda bo bira  
Unda bo bai

**Plamé pa mi**  
**Plamé pa mi**  
**Plamé pa mi**  
**Batata kuru (2X)**  
**Batata kuru kuru kuru**

**Batata kuru (2X)**  
**Batata kuru kuru kuru**

**Ariba abou (5X) ARIBA!**

Rònt Kòrsou  
Djariba te pabou

**Plamé pa mi**

*Outor de Letra: Dibo Doran*  
*Outor di Melodia: Dibo Doran*  
*Areglista: Randal Corsen*  
*Kantante: Dibo Doran*  
*Agrupashon: ONE Flavaz*

## **Bo tin Kòrsou kompletu konektá**

***Tur ora den mi man  
Pa yama mi ruman  
Bula ba(ha) den kaya ku bo  
Pa komuniká  
Bèl puntra ta kontá Ayayayai, mi no ta laga bo kai***

***Koro: Bo t'ei, ta kon lo ta sin bo***

Na 1973 bo a keda inventá  
pa fasilidat i yuda hende komuniká  
**di un manera mas efikas**  
Segun tempu a desaroyá bo kapasidat a avansá.  
Selular bo ta di sumo importansia,  
pa tur funshon i generashon

Bo ta informá nos, konektá i uni nos.  
Laso leu por yega serka ku un primí di kònòpí.  
Dimes Kòrsou u'n keda atras a diseñá i presentá,  
un "Curafon" inlimitá pa aportá na Karnaval

E ta karga ku tumba  
Su señal ta ambiente  
Aplikashon patrióko  
Pa kontagiá abo, públiko.



Nos “Curafon” selular por konektá nos ku e señal di mas ariba Manda lokashon, pa nos u’n dualu na kaminda.  
 E ta kaptura tur memoria, pa mañan nos tin historia

Mira kon e ola digital ta yanga drenta karnaval  
 Inovashon bo’n por par’é,  
 habri brasa asept’é.  
 Nos selular at’e, “Curafon” his’e ,Kòrsou kompletu ban konektá.

**Estribillo**

**Mand’é pa tur hende mira  
 Ban plam’é pa tur hende haña**

**Pregon:**

Kue bo “Curafon” plama positivismo  
 Pa Kòrsou komuniká i konektá den karnaval  
 Ku nos spit di data di 2024  
 pon’e riba ret sosial lag’e bai viral

Tur ora den mi man  
 Pa yama mi ruman  
 Bula ba(ha) den kaya ku bo  
 Pa komuniká  
 Bèl puntra ta kontá  
 Ayayayai, mi no ta laga bo kai

**Koro:** Bo t’ei, ta kon lo ta sin bo

Mi “Curafon”  
 Konektámi awó  
 Yudami hasi kos

Mi selular  
 Mi Selular  
 Mi Selular

M’a bèl bo pa puntra bo,

kon nos ta pará?

Kompletu, ta!

“App” e bo bis’é

Kòrsou a sende awe

Kompletu, ta !

Bèl’e bis’é, mand’e bo bis’é

Kompletu , ta!

Kompletu ta!, bon konektá!

Kompletu , ta!

Mira Kòrsou, di punta pa punta

Kompletu , ta!

Forsa di teknologia, tin mi pueblo riba pia

Kompletu , ta!

Graba nos karnaval, lag’e plama i bai viral

Kompletu , ta!

“ Share” mi tumba, mi orguyo mi kultura

Kompletu , ta!

Kòrsou bo ta, bon konektá

Kompletu , ta!

Kòrsou bo ta, bon konektá

Kompletu , ta!

Mi tei bel bo

Kue kue

Mi ta yama’bo

Kue Kue

His’é, tene pa bo mand’e 2x

Kek: Graba kon e ta baila

lag’e bai rònt

Kon mi ta gosa

Un video ku un potrèt

but’e riba internet

Graba kon e ta baila

lag’e bai rònt

Kon mi ta gosa

Un video ku un potrèt

but’e riba internet

Mira Kòrsou, di punta pa punta

Kompletu , ta!

Ban plama positivo, blòkia negativo

Kompletu , ta!

Bèl e bis’é, mand’e bo bis’é

Kompletu , ta!

Kòrsou bo ta, bon konektá

Kompletu , ta!

**Mambo:**

Tur ora den mi man  
 Pa yama mi ruman  
 Bula ba(ha) den kaya ku bo  
 Pa komuniká  
 Bèl puntra ta kontá  
 Ayayayai, mi no ta laga bo kai

Koro: Bo t'ei, ta kon lo ta sin bo

M'a bèl bo pa puntra bo,  
 kon nos ta pará?

Kompletu, ta!

"App" e bo bis'é

Kòrsou a sende awe

Kompletu, ta!

Bèl e bis'é, mand'e bo bis'é

Kompletu, ta!

Kompletu ta!, bon konektá!

Kompletu, ta!

Mira Kòrsou, di punta pa punta

Kompletu, ta!

Forsa di teknologia, tin mi pueblo riba pia

Kompletu, ta!

Graba nos karnaval, lag'e plama i bai viral

Kompletu, ta!

"Share" mi tumba, mi orguyo mi kultura

Kompletu, ta!

Kòrsou bo ta, bon konektá

Kompletu, ta!

Kòrsou bo ta, bon konektá

Kompletu, ta!

Mi t'ei bèl bo

Kue kue

Mi ta yama'bo

Kue Kue

His'é, tene pa bo mand'e 2x

**Kek:**

Graba kon e ta baila

Lag'e bai ront

Kon mi ta gosa

Un video ku un potrèt

but'e riba internèt

Ai lag'e bai viral

Ei' mi tei kaba, dun'é un blo

Mi ta sera, mi ta wak bo drech'i manis'e

ayo, ayo, ayo!!!!

### ***Splikashon di letra.***

***Título di e Tumba:*** Bo tin Kòrsou komploto konektá outor ta papia di un telefòn ku el a inventá spesial pa karnaval. Ku e telefòn aki ta bai den diferente direkshon. E ta kanta e telefòn i dun'é su balor, alabes e ta duna instrukshon na usuario ku ta e públiko pa asina nan por ta konektá. E públiko ta e pueblo karnavalesko ku ta representá tur ku ta biba i ta bishitá nos dushi isla Kòrsou, pero esnan den eksterior tambe ku ta sigui e gran fiesta kultural di nos kual ta Karnaval i su tumba.

***Tur ora den mi man, pa yama mi ruman=*** Aki e outor ta papia ku e telefòn ku ya a bira parti di su bida i ku e tin huntu kuné 24 ora pa dia, pa e por komuniká ku tur su kontaktonan ***Bula ba(ha) den kaya ku bo=*** aki e outor ta referí na e ambiente di karnaval, e “jump in”, e tokamentu den kaya , e ban topa i e marcha di karnaval.

***Pa komuniká,*** = Aki e outor ta duna importansia na e telefòn ku e ta un hèrmèn esensial pa por ta den komunikashon ku kualke persona, organisashon o servisio, pues pa kosnan formal,

***Bèl puntra ta kontá=*** kumindá, komuniká ora di asuntunan sosial tambe. ***Ayayayai, mi no ta laga bo kai=*** Mi no por remplasá bo pa nada otro.

***Na 1973 bo a keda inventá =***aki outor ta referí na e aña ku telefòn selular a keda inventá. ***pa fasilita i yuda hende komuniká=*** pa hasi e komunikashon entre hende mas asesibel. ***di un manera mas efikas=*** di un manera kreativo i ta yuda e komunikashon bai dilanti mas lihé

***Segun tempu a desaroyá bo kapasidat a avansá.=*** Segun tempu a sigui bai i mundu a sigui bai dilanti pues mundu a sigui inová, e selular a sigui bira mas komploto.

***Selular bo ta di sumo importansia*** = e selular a bira algu ku ta indispensabel

***Pa tur funshon i generashon***= pa tur tipo di hende den kualke funshon, pa kualke servisio, ofishi. I esaki pa chikí grandi . No ta importá e edat.

*P.e: Un beibi ta skucha muzik pa drumi, un mucha di skol ta konektá pa buska informashon pa siña, bankonan ta duna servisio di pago, grandinan por kontrolá briyechi. Asina por sigui menshoná hopi funshon mas.*

***Bo ta informá nos,*** = Tur informashon por yega serka nos pa medio di e aplikashonnan ku tin riba e selular.

***eduká i uni nos***= tur dia di nobo nos ta siña mas tantu pa medio di e selular, pa medio diferente informashon. Esaki ta yuda forma nos. Nos ta siña tantu lesnan positivo i saka les for di kosnan negativo for di nos telefòn selular outomatikamente nos ta yega mas serka di otro.

***Laso leu por yega serka ku un primí di kònòpí***= ku kualke persona ku bo tin relashon serka kuné, famia, amigu, kolega ku ta de eksterior bo ta yega serka di nan dor di sea yama, “app” i bai riba retnan sosial dor di usa e selular

***Dimes Kòrsou un keda atras a diseñá i presentá*** = aki e outor ta drenta den fantasia ku e tumba i adaptá na e kreatividat di karnaval: Kòrsou a disidí di krea un telefòn selular, spesial pa temporada di karnaval ku el a yama “Curafon”. (Curacaotelephone) E telefòn selular di Kòrsou.

*Un “Curafon” inlimitá pa aportá na Karnaval = e “Curafon” ta inlimitá. Pues e por hasi tur kos, i ta asesibel pa tur loke por duna aporte, sosten pa hasi e karnaval algu inolvidabel*

*E ta karga ku tumba= e “Curafon” ku ta e telefòn selular kreativo pa karnaval su aplikashonnan a bira tambe diferente aspekto, ikono ku ta forma e karnaval di Kòrsou. Un di e aspektonan ta un di e aktividatnan di mas grandi ku ta e tumba, ta mantené kargá. Pues e tumba ta karga su bateria. ( Charger)*

*Su señal ta ambiente= Sin señal e selular no por funshoná. P’esei den e kaso aki e “Curafon”, su señal ta e ambiente. Ta e ambiente ta hasi e fiesta kultural aki asina espektakular.*

*Aplikashon patrióko= Tur loke e “Curafon” tin pa e usuario, su posibilidatnan pa usa, tin aspekto ku ta pa bienestar di Kòrsou i pa bende nos karnaval ku kualke hende ku ta bini for di eksterior.*

*Pa kontagiá abo, públiko= Pa hinka e públiko , e pueblo ku ta sigui karnaval den un ambiente alegre, ku ta krea un mentalidat di gosa.*

*Nos “Curafon selular” por konekta nos ku e señal di mas ariba= e “Curafon” por laga nos yega serka e ser supremo sin limitashon, pasobra Kòrsou ta un pueblo kreyente.*

*Manda lokashon, pa nos un dualu na kaminda= Duna nos direkshon pa nos keda riba e kaminda korekto.*

*E ta kapturá tur memoria, pa mañan nos tin historia= Bo por saka potrèt i hasi grabashon ku e “Curafon” i warda esakinan komo rekuerdo di e temporada di karnaval.*

**Mira kon e ola digital ta yanga drenta karnaval** = Mira kon hasta den karnaval e inovashon di e mundu digital ta yega.

**Inovashon bon por par'e** = bo no por stroba mundu di sigui bini ku kosnan nobo **habri brasa asept'é** = No bring'é. Habri bo mente p'e. P'esei nos mester tene nos mes altanto i bai ku e tempu.

**Nos selular at'e curafon his'é, Kòrsou kompletu ban konektá** = aki e outor ta presentá e “Curafon” ofisialmente na e públiko i invitá nan pa tené nan selular den nan man pa ban konektá. Esta, yama, èp, subi ret sosial i propaganda loke ta pasando ku nos Karnaval.

**Mand'e pa tur hende mira** = komparti loke ta pasando

**Ban plam'e pa tur hende haña** = sigui pas e akontesimentu rònt (Share)

**Kompletu ta!** = ta un ekspreshon den generashon aktual algu ku ta kompletu ta algu akabá, Un trabou kompletu, ta un trabou akabá realisá

**Un persona ku ta kontestá: Kompletu ta!**

Ta indiká ku e ta den perfekto kondishon, e ta kontentu, e ta satisfecho.

Den e mundu di telefòn selular i konekshon digital: pa tur kos yega e señal, e konekshon mester ta kompletu.

I ora manda (share) e mensahe ku e yega e ta duna indikashon di ta kompleto.

**Forsa di teknologia, tin mi pueblo riba pia** = E spit ku teknologia tin ta pone ku tur hende ta keda pendiente pa kiko ta bai bin i ta biba kuné

**Dun'e un bló** = laga e telefòn selular sosegá

*Outor de Letra: Gregory Colina  
Outor di Melodia: Gregory Colina*

*Areglista: Gregory Colina*

*Kantante: Michèlangelo "MJ" Martina*

*Agrupashon: ONE Flavaz*

# Ayo bonochi, mi ta priminti

**Intro: Priminti ta debe.2x**

**Koro:**

**Ei, Riba 'ki bo ta? Mi ta primintibo**

**Riba 'ki bo ta? Lo tin alegria**

**Riba 'ki bo ta? Ku Dede pikiña rankami ta priminti**

**Ei, Riba ki bo ta? Ayo bonochi**

**Riba ki bo ta? Ta nos ora'i soña**

**Riba 'ki bo ta? Ku Dede pikiña rankami mi amor**

**Koro: trèk 2x**

Felis Karnaval

**[VOZ: E sentiment y promesa]**

Bo hemud ta yena, e ta drecha bo beis

Un emoshon elektrisante

**Koro: bo kabeinan ta bula reis**

Pone awa di wowo, den rei pa basha afó

Pa Karnaval :Koro: **Mi amor tei bula eifo**





**[Koro-Pregon ] [Nos promesa na Karnaval]**

Ore'i kose mi trahe **Koro: mi ta priminti**  
Buska un bon sapatu **Koro: mi ta priminti**  
Pinta kara ku gleter **Koro: mi ta priminti**  
Drecha mi kabei **Koro: pa mi pasa bon**

Deseo kumplí ta bida largu

**Koro: bo ta nos oro Karnaval, bo ta duna goso sin igual**

Ayo bonochi, **koro: Sampèt**, nos ta gosa den union simbolo ku kos ta kla  
Koro:

**Ei, Riba 'ki bo ta?** Mi ta primintibo

**Riba 'ki bo ta?** Lo tin alegria

**Riba 'ki bo ta?** Ku Dede pikiña rankami ta priminti

**Ei, Riba ki bo ta?** Ayo bonochi

**Riba ki bo ta?** Ta nos ora'i soña

**Riba 'ki bo ta?** Ku Dede pikiña ranka

Saka bo dede pikiña **Koro: ranké**

Buska esun dje bisiña **Koro: ranké**

No goso di anochi di dia

**Koro: Ranka dede pikiña ban priminti**

**[Estribillo:]**

**Ranka dede pikiña ban priminti**

Ku Kurasonnan huntú ban baha kaya

Sera wowo, smak' mane den soño

Fantasia, alegria tur ma priminti

**Koro: Ranka dede pikiña ban priminti**

**[Bonche:]**

**Koro: Riba k'i bo rank ranka, Pregon;Dede pikiña, riba k'i bo ta:  
na bo bisiaña**

**Koro: Riba k'i bo rank ranka, Pregon;Dede pikiña, riba k'i bo**

**Koro: Ranke ranke**

Zwaai Zwaai bye bye ora bo pasa bai, Koro: trèk

Bo ta kana kaya bai

Bo ta mira hende bai

Bo ta soña Koro: Ayo bonochi

Di dia a habri

Sin soño un tin futuro

Promesa kumpli ta Bida largu

Ayo Ayo Koro: Ayo bonochi, di dia di anochi

Ayo bonochi, priminiti na otro

Sera bo wowo soña

Den bo djingueli

Mi ke hahahahahahaha...hari gosa bai

Djente afo, lenga afo

Tur den emoshon

Trek 6x jega serka bin brasami

Ayo bonochi

Ja bosa

Bisa esun bandi bo pe tambe sa

Hesta bon

Mira tur hende den union

Un brasa duru

Hala serka  
Primi huntu  
T'esaki ma priminti  
Pueblo yena kaya  
Dede pikiña te basilon

**Kick**

**Dede pikiña nabo bisiña ban trek ban trèk 2x**  
**Trèk djaki banda, trèk djaya banda 2x**  
**Trèk rèk 3x trek bo ban 2x**

Koro: Ayo Bonochi, Di dia di anochi  
Hest'un emoshon  
T'esaki ta mi djingueli  
Nos ta bula nos ta keinta  
Nos Ta Pa nos kuenta  
Hesta dushi fantasia  
Nos basilon di tur dia

**Kick**

**Dede pikiña nabo bisiña ban trek'e rèk 2x**  
**Mi ta trek /koro Trèk aki banda, trèk aya banda 2x**  
**Trèk rèk 3x trek bo ban 2x**

Koro Ayo bonochi

**[Mambo]**

**Splikashon di Tumba:**

**E tumba ta un dialogo di Karnaval ku e Karnavalistanan. Karnaval su promesa.**

**Ayo Bonochi, Mi ta priminti=**

1. *Ayo Bonochi, nos tei dreña den nos soño di Karnaval*
2. *Ayo Bonochi, E kos ta kla kla, **Sampèt** tambe a bisa.*

**Mi ta priminiti ta promesa di Karnaval na nos komo su pueblo**

**Deseo Kumpli ta bida largu= un teksto bibliko ku ta wordu usa pa ekspresa kon importante ta bo kumpli kubo palabra, kual **ta e mensahe di e tumba aki.****

**Bo ta nos oro Karnaval=**

*Karnaval ta mane un Gold Rush, tur hende ta kore bai riba dje di tur forma*

**Ranka Dede Pikiña = ta nos manera pa priminiti algu na otro, usa den masha hopi kultura. Na inglés e yama Pinky Promise.**

**Den bo djingueli= Den bo goso maksimo**

**Aliterashon y Asonancia: Diptongo "Ei"**

*Bo Beis, Bula Reis, Den Rei, Eifó, Kabei*

**Rima riba: "i"**

*Outor de Letra: Amos Balentien  
Outor di Melodia: Amos Balentien  
Areglista: Derrel 'Titi' De Palm  
Kantante: Sherrel 'Adjatay' Denisia  
Agrupashon: ONE Flavaz*

# Tera kòrda Mi, ken Mi ta

**Koro:**

**(Shelu ta pa para  
Laman ta pa piská)**

Miéntras nos pia ta riba tera kere mi bo n'por hera.

**(Shelu ta pa para  
Laman ta pa piská 2x )**

Miéntras nos pia ta riba tera, kere mi bo n'por hera.

Di tera nos a bini, di tera nos lo bai **(Awèl si)**

Tur loke nos mester.

for di tera nos a hañ'é

Si bo no a hunga den tera. Nò, bo no ta'tin infansia.

Niun anglo n' stroba nos, pa hunga bala pia abou

Ta esensial pa nos

Pa tin pia riba tera

**Komo muestra di humildat**

**Koro: Pa no laga nada sush'e kabes**

Pa kada bia ku mi zueif

Mi rekordá mi mes, **(di unda mi a bini i unda mi ke bai )**

Di Santa maria pa Festival Centre

**Tera kòrdá mi ken mi. 8x**

Si kaya grandi sera ta kue kaminda di tera.  
Tera tera mi por tarda ma mi ta yega  
m'a paga suela kaba  
Kemen mi no por hera.

**Mi ke duna tera su honor.**

**Paso nos a bin fo'i tera**

**Si e kurpa ta due, ta kome un kuminda tera.**

**Tur loke hende mester, ta wòrdu planta den tera**

Mucha di pia di tera ku honor

**Koro: Shelu ta pa para**

**Laman ta pa piská**

Miéntras nos pia ta riba tera  
Manteniendo nos bon manera  
Tera kòrdá mi ta ken mi ta.  
Ku tur rèspèt.

**Koro largu:**

**Tera kòrdá mi ken mi ta!**

Un elemento di e totalidat  
Mes un vulnerabel ku kualke vruminga  
Kue mi brasa fuerte manera bo tronkon  
Maske awa bati mi  
bon wantá manera wabi  
Maske bientu suplá mi duru  
Na mi rais b'a brasá mi

**Tera kòrdá mi ken mi ta  
ken mi ta, ken mi ta**

Tera mi koló ta rekordá mi na'bo.  
Mi para pia abou mi ta bo vibrashon.

Tera lo mi ta.     **(un kubo)**  
Te den siglonan amèn x2  
Pa mi saka bo kara.  
Mucha pia di tera ku honor  
Un rekordatorio pa santu di playa  
ta ken ta manda' ki  
Lo mi molestiá tur klenku  
Ku yerba den tur skina  
Lo mi kòrda kaya asfaltá.  
Ku ta' mi ta duna bida  
Ai un ku bo , un kubo 4x  
Bo kantadó mayó  
Yangando un dushi tumba2x

Si tin kualke kontratempu den marcha  
(T'ami a saka bo kara)  
Pa kualke urgensia mester move lihé  
(T'ami a saka bo kara)

Ban kue kaminda di tera  
**(Hòl'é djaki hòl'é djaya )**

Move djakinan  
Lora djakinan  
Wanta akinan  
Slo akinan  
Hei poko poko

### **Buguku bugu ku bug bu buk 5x**

Buraku akí  
Plas di awa  
Sumpiña

Mi tin purá

### **Koro: Hòl'e djaki hòl'e djaya)**

Nos tin ku sigui move  
Mi pueblo ta wardá mi  
Bin pon'é bon  
(*pregon liber*)

### **Splikashon di e tema:**

E inspirashon di e tema 'Tera', ta basá riba duna tera su balor i para ketu riba loke e ta nifiká pa nos. Tera ta kòrda nos riba prinsipio i fin. E ta un elemento esensial pa bida, ku ta kòrda nos kada bes ku nos pis'é riba humildat i di unda bo a bini i di unda nos lo bai. Tambe ta e mes lo guia nos riba kaminda pa nos yega nos destinashon. Ta tera lo ta nos komienso i tera lo ta nos final.